

# PROXECTOS DE INVERSIÓN EMPRESARIAL (IG408A)

INSTITUTO GALEGO DE PROMOCIÓN  
ECONÓMICA



## CONECTA OURENSE



XUNTA  
DE GALICIA

CEO



Confederación  
empresarial de  
Ourense

RESOLUCIÓN do 18 de setembro de 2023 pola que se dá publicidade do Acordo do Consello de Dirección que aproba as bases reguladoras das axudas susceptibles de seren cofinanciadas pola Unión Europea no marco do programa Galicia Feder 2021-2027 e dos préstamos parcialmente reembolsables para o financiamento dos proxectos de investimento empresarial, e se convocan en réxime de concorrência non competitiva (código de procedemento IG408A) [Enlace directo ao DOG](#)

## OBXECTO, MODALIDADES E TIPOLOXIA DO PROYECTO

### I.1.PROXECTOS DE INVERSION EMPRESARIAL XERAIS

Inversións en activos fixos

- Creación dun novo establecemento
- Ampliación da capacidade dun establecemento existente
- Diversificación da produción dun establecemento existente en produtos que anteriormente non se producían
- Cambio fundamental no proceso global de produción do produto ou produtos que afectados polo investimento no establecemento

## BENEFICIARIOS

**Pemes**, que proxecten levar a cabo un investimento nun centro de traballo en Galicia.

### EXCLÚENSE:

- As empresas que propoñan un proxecto para unha actividade pertencente a un sector excluído.
- As empresas que sexan prestadoras dos mesmos ou similares servizos ou subministradoras dos mesmos ou similares equipos para os que solicitan a axuda.
- As empresas que estean suxeitas a unha orde de recuperación de axudas.
- As empresas en crise.
- As empresas nas que concorra algunha das circunstancias previstas no artigo 10.2 e 3 da Lei 9/2007, ou incumpran as obrigas do artigo 11 da citada Lei.
- As empresas que incumpran os prazos de pago previstos na Lei 3/2004, pola que se establecen medidas de loita contra a morosidade nas operacións comerciais

### SECTORES SUBVENCIONABLES:

CNAES subvencionables: Do 08 ao 11, 13 ao 23, 25 ao 33, 38.2, 38.31, 38.32, 45.2, 45.4 (só mantemento e reparación), 52.10, 52.24, 59, 61, 71.20, 77.31 (só maquinaria e equipamento de uso forestal), 77.32, 77.39 (só motores, turbinas, máquinas ferramenta, equipamentos de extracción mineira, equipamentos de radio, televisión e comunicación, equipamentos profesionais de produción cinematográfica, equipos de medición e control, e outra maquinaria de uso industrial), 82.92.

| CNAE 2009 | Descrición                                                                                           | Observacións                                                                                                                                                                                                                                                            |
|-----------|------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------|
| 08.       | Outras industrias extractivas                                                                        |                                                                                                                                                                                                                                                                         |
| 09.       | Actividades de apoio ás industrias extractivas                                                       |                                                                                                                                                                                                                                                                         |
| 10.       | Industria da alimentación                                                                            |                                                                                                                                                                                                                                                                         |
| 11.       | Fabricación de bebidas                                                                               |                                                                                                                                                                                                                                                                         |
| 13.       | Industria téxtil                                                                                     |                                                                                                                                                                                                                                                                         |
| 14.       | Confección de pezas de vestir                                                                        |                                                                                                                                                                                                                                                                         |
| 15.       | Industria do coiro e do calzado                                                                      |                                                                                                                                                                                                                                                                         |
| 16.       | Industria da madeira e da cortiza, agás mobles, cestería e espartaría                                |                                                                                                                                                                                                                                                                         |
| 17.       | Industria do papel                                                                                   |                                                                                                                                                                                                                                                                         |
| 18.       | Artes gráficas e reprodución de soportes gravados                                                    |                                                                                                                                                                                                                                                                         |
| 20.       | Industria química                                                                                    |                                                                                                                                                                                                                                                                         |
| 21.       | Fabricación de produtos farmacéuticos                                                                |                                                                                                                                                                                                                                                                         |
| 22.       | Fabricación de produtos de caucho e plásticos                                                        |                                                                                                                                                                                                                                                                         |
| 23.       | Fabricación doutros produtos minerais non metálicos                                                  |                                                                                                                                                                                                                                                                         |
| 25.       | Fabricación de produtos metálicos, agás maquinaria e equipamento                                     |                                                                                                                                                                                                                                                                         |
| 26.       | Fabricación de produtos informáticos, electrónicos e ópticos                                         |                                                                                                                                                                                                                                                                         |
| 27.       | Fabricación de material e equipamento eléctrico                                                      |                                                                                                                                                                                                                                                                         |
| 28.       | Fabricación de maquinaria e equipo n.c.n.p                                                           |                                                                                                                                                                                                                                                                         |
| 29.       | Fabricación de vehículos de motor, remolques e semirremolques                                        |                                                                                                                                                                                                                                                                         |
| 30.       | Fabricación doutro material de transporte                                                            |                                                                                                                                                                                                                                                                         |
| 31.       | Fabricación de mobles                                                                                |                                                                                                                                                                                                                                                                         |
| 32.       | Outras industrias manufactureiras                                                                    |                                                                                                                                                                                                                                                                         |
| 33.       | Reparación e instalación de maquinaria e equipamento                                                 |                                                                                                                                                                                                                                                                         |
| 38.2      | Tratamento e eliminación de residuos                                                                 |                                                                                                                                                                                                                                                                         |
| 38.31     | Separación e clasificación de materiais                                                              |                                                                                                                                                                                                                                                                         |
| 38.32     | Valorización de materiais xa clasificados                                                            |                                                                                                                                                                                                                                                                         |
| 45.2      | Mantemento e reparación de vehículos de motor                                                        |                                                                                                                                                                                                                                                                         |
| 45.4      | Venda, mantemento e reparación de motocicletas e dos seus recambios e accesorios                     | Soamente mantemento e reparación. Exclúese a venda.                                                                                                                                                                                                                     |
| 52.10     | Depósito e almacenamento                                                                             |                                                                                                                                                                                                                                                                         |
| 52.24     | Manipulación de mercadorías                                                                          |                                                                                                                                                                                                                                                                         |
| 59.       | Actividades cinematográficas, de vídeo e programas de televisión, gravación de son e edición musical |                                                                                                                                                                                                                                                                         |
| 61.       | Telecomunicacións                                                                                    |                                                                                                                                                                                                                                                                         |
| 71.20     | Ensaio e análises técnicas                                                                           |                                                                                                                                                                                                                                                                         |
| 77.31     | Alugamento de maquinaria e equipamento de uso agrícola                                               | Soamente maquinaria e equipamento de uso forestal.                                                                                                                                                                                                                      |
| 77.32     | Alugamento de maquinaria e equipamento para a construción e enxeñaría civil                          |                                                                                                                                                                                                                                                                         |
| 77.39     | Alugamento doutra maquinaria, equipamentos e bens tanxibles n.c.n.                                   | Soamente motores, turbinas, máquinas ferramenta, equipamentos de extracción mineira, equipamentos de radio, televisión e comunicación, equipamentos profesionais de produción cinematográfica, equipamentos de medición e control e outra maquinaria de uso industrial. |
| 82.92     | Actividades de envasado e empaquetado                                                                |                                                                                                                                                                                                                                                                         |

## Exclúense:

- A produción e comercialización agrícola primaria, as actividades do sector do aceiro, do lignito e do carbón, do sector do transporte así como as infraestruturas conexas, a produción, almacenamento, transporte e distribución de enerxía e as infraestruturas enerxética e ao sector da banda ancha.
- Sector dos produtos da pesca e acuicultura.

## IMPORTE DA INVERSIÓN SUBVENCIONABLE

Importe inversión subvencionable igual o superior a 50.000,00€ e non superior a 900.00,00€

## REQUISITOS PRINCIPAIS DO PROXECTO

\* Os proxectos de **creación dun novo establecemento** deberán responder a algunha das situacións seguintes:

- Creación dun primeiro establecemento
- Creación dun novo establecemento noutra dirección diferente ou por traslado con ampliación da capacidade produtiva

\* Nos proxectos de **diversificación da produción dun establecemento** existente en produtos que anteriormente non se producían no mesmo, o investimento subvencionable deberá superar o 200% do valor neto contable dos activos que se reutilizan

\* Os proxectos de **cambio fundamental no proceso global de produción** suporán a implementación dunha innovación no proceso global de produción que impliquen o uso por primeira vez de métodos de organización que inclúan melloras nas rutinas e procedementos de xestión do traballo, dos sistemas de produción ou a integración de áreas funcionais da empresa.

### Requisitos:

1. A persoa beneficiaria deberá realizar unha aportación financeira mínima do 25% dos custos subvencionables, mediante os seus propios recursos
2. A axuda solicitada debe supoñer un efecto incentivador para o proxecto presentado. Antes de iniciar o proxecto, a persoa solicitante deberá ter presentado a solicitude da axuda..
3. O período de execución dos investimentos subvencionables abarcará desde a data de presentación da solicitude ata a data de remate do prazo establecido na resolución de concesión. Con carácter xeral, rematará dentro dos 18 meses seguintes á data de notificación
4. Cando o importe do investimento subvencionable supere as contías establecidas na Lei de contratos do sector público, (importe igual ou superior a 15.000 € no caso de prestación do servizo ou adquisición do ben e importe igual ou superior a 40.000 € no caso de execución de obra) a beneficiaria deberá solicitar, como mínimo, tres ofertas de diferentes  
No caso de adquisicións de edificacións ou construcións novas ou usadas non será preciso achegar as tres ofertas, deberá acompañarse un informe de taxación. Exceptúase tamén deste requisito a adquisición de activos dun establecemento regulada no artigo 6.2 destas bases.
5. En ningún caso o custo de adquisición dos investimentos subvencionables poderá ser superior ao valor de mercado.
6. Todos os elementos do investimento proxectados deberán estar vinculados e responder á tipoloxía de proxecto para a que se solicita a axuda.
7. Os proxectos deberán estar vinculados ás actividades subvencionables establecidas nas bases. Cando un ou varios elementos integrantes do proxecto estea ou estean vencellados a mais dunha actividade da empresa e unha ou máis non fosen subvencionables, considerarase exclusivamente o importe proporcional á vinculación do elemento en cuestión á actividade subvencionable para a que se propón o proxecto

8. Os proxectos deberán estar vinculados a un único establecemento por solicitude e a un único titular. Non serán subvencionables os investimentos que vaian ser utilizados por empresas distintas á solicitante ou noutros establecementos.

9. Non serán subvencionables os proxectos de investimento vinculados a un contrato de xestión de servizos públicos.

## GASTOS COMPUTABLES

### 1. *Obra civil e outros conceptos inmobiliarios:*

a) **Nova construción**, reforma ou rehabilitación de instalacións levadas a cabo en inmobles ou terreos propiedade da persoa solicitante, ou sobre os que a persoa solicitante teña un dereito de superficie ou unha concesión administrativa —outorgados por persoas ou entidades non vinculadas á persoa solicitante— cunha vixencia mínima de 5 anos a contar desde a data de finalización do proxecto establecida na resolución ou acordo de concesión.

O límite de custo subvencionable por cada concepto de investimento de obra civil en reforma ou rehabilitación será o que resulte da aplicación dos módulos anteriores.

b) **Reformas de instalacións** levadas a cabo en inmobles alugados por persoa ou entidade non vinculada coa persoa solicitante. O arrendamento deberá ter una vixencia mínima de 5 anos a contar desde a data de finalización do proxecto. O límite de custo subvencionable por cada concepto de investimento da reforma será o que resulte da aplicación dos módulos detallados no apartado anterior.

c) **Adquisición de edificacións** ou construcións novas ou usadas. O prezo de adquisición non poderá superar o valor de mercado. O importe da construción que poderá considerarse subvencionable será o menor entre o importe indicado no informe de taxación e o valor de adquisición. No caso de adquisición de edificacións ou construcións usadas, ademais, estas non poderán ter sido obxecto de ningunha subvención autonómica, nacional ou comunitaria.

d) Nos casos de **construcións por cambio de localización** dentro da Comunidade Autónoma de Galicia, o custo subvencionable máximo será o que resulte da diferenza entre o prezo de adquisición dos novos activos.

Segundo informe de taxación subscrito por sociedade de taxación homologada, sempre e cando as instalacións que se abandonen sexan propiedade da persoa solicitante ou dos seus socios maioritarios, directa ou indirectamente.

A obra civil debe ser executada e facturada por terceiros.

2. **Bens de equipamento**: maquinaria de proceso, instalacións específicas para a actividade subvencionable, ferramentas (incluídos os moldes, plantillas e troqueis), equipos e medios de transporte interno, vehículos especiais de transporte externo, medios de protección do ambiente e outros bens de equipamento.

En ningún caso terán a consideración de bens de equipamento as obras necesarias para a súa instalación.

3. Outros investimentos en activos fixos: mobiliario, equipos para procesos de información e envases ou embalaxes.

4. Aplicacións informáticas directamente vinculadas co proceso produtivo.

5. Adquisición de activos dun establecemento

A adquisición de activos pertencentes a un establecemento que pechou ou que pecharía se non se adquirira será subvencionable sempre que se cumpran os seguintes requisitos:

- Que os activos sexan adquiridos a un terceiro non relacionado co comprador;
- Que conste unha declaración do vendedor sobre a orixe dos bens e sobre que os mesmos non foron obxecto de ningunha subvención nacional ou comunitaria,
- O prezo non sexa superior ao valor de mercado de referencia nin ao custo dos bens novos similares, acreditándose estes extremos mediante informe de taxación

Cando un membro da familia do/a propietario/a inicial ou un/unha empregado/a se faga cargo dunha pequena empresa para continuar coa actividade, non se aplicará a condición de que os activos deban ser adquiridos a terceiros non relacionados co comprador.

-Os activos adquiridos deberán ser novos, excepto para a adquisición de construcións ou inmobles nos casos e cos requisitos nos que así se prevexa expresamente no cadro de especificacións do anexo I, ou para a adquisición de activos dun establecemento.

-Os bens obxecto de investimento deberán ser adquiridos en propiedade pola persoa beneficiaria, admitíndose, como excepción e de xeito expreso, a obra civil en terreos sobre os que exista un dereito de superficie ou unha concesión administrativa e/ou as reformas de instalacións en inmobles alugados.

-Os bens obxecto de investimento deberán ser adquiridos a terceiros. Os provedores non poderán estar asociados nin vinculados coa entidade solicitante ou cos seus órganos directivos ou xestores.

Quedan ***excluídos dos investimentos subvencionables:***

- a) Os investimentos de reposición ou mera substitución de elementos
- b) Os custos de traslado de bens equipo que xa sexan propiedade da empresa.
- c) Os custos de adaptacións á normativa vixente, salvo as directamente relacionadas cos elementos obxecto de investimento.
- d) A adquisición das instalacións nas que a solicitante viña desenvolvendo a súa actividade en réxime de alugueiro ou dereito de uso de calquera tipo.

## INTENSIDADE DAS AXUDAS

A porcentaxe de subvención resultante **non excederá do 35% no caso das microempresas e pequenas empresas e de 25% no caso das medianas empresas.**

A contía da axuda será o resultado de multiplicar o investimento subvencionable pola porcentaxe de subvención, que será a suma das porcentaxes obtidas na baremación dos seguintes criterios:

| Criterio                                                                    | Micro empresa | Pequena empresa | Mediana empresa |
|-----------------------------------------------------------------------------|---------------|-----------------|-----------------|
| Tamaño empresa                                                              | 24%           | 24%             | 15%             |
| Mantemento emprego                                                          | 3%            | 3%              | 3%              |
| Creación emprego na comunidade autónoma de Galicia:                         | 3%            | 2%              | 1%              |
| -Posto de traballo par ocupar por persoas discapacidade                     | 1,5%          | 1%              | 0,5%            |
| -Posto de traballo distinto do anterior                                     | 3%            | 3%              | 2%              |
| Puntuación máxima por criterio creación emprego                             |               |                 |                 |
| Achega de certificación ambiental relacionada cos obxectivos do pacto verde | 3%            | 3%              | 3%              |
| Proxectos localizados nun concello declarado como emprendedor               | 2%            | 2%              | 2%              |

## SOLICITUDE:

- Prazo de presentación: **Remata o 31/10/2023 ás 14:00 horas.**
- Presentación da solicitude: <https://www.igape.gal/gl/oficinavirtual>

## OFICINA CONECTA VALDEORRAS

---

 Plaza del Ayuntamiento, núm. 2  
32300, O Barco de Valdeorras  
Ourense

 [estefania.leon@ceo.es](mailto:estefania.leon@ceo.es)  
[conectaourense@ceo.es](mailto:conectaourense@ceo.es)

 625464262

## OFICINA CONECTA VERÍN

---

 Rúa Doctor González Prada, núm. 5 Bajo  
32600, Verín  
Ourense

 [enrique.rodriguez@ceo.es](mailto:enrique.rodriguez@ceo.es)  
[conectaourense@ceo.es](mailto:conectaourense@ceo.es)

 625483201

